

乾隆大藏經



釋淨空敬題





龍

藏

大乘論

普爲出資及讀誦受持
輾轉流通者回向偈曰
願此功德 回向有情
消除業障 增崇福祉
家門清吉 身心安寧
生入聖域 沒往西方
先亡祖妣 歷劫怨親
俱蒙佛慈 獲本妙心
兵戈永息 禮讓興行
人民安樂 世界和平
四恩總報 三有齊資
法界眾生 同證菩提

This book is for free distribution. It is not for sale. Printed in Taiwan.

公元二〇〇七年八月出版 恭印貳仟套

乾隆大藏經

景印重編
句讀版本

倡印者：淨空法師

印贈者：香港佛陀教育協會

出版者：財團法人桃園縣至善教育事務基金會

地址：桃園縣中壢市過嶺里16之38號

電話：(〇三) 四二〇—七八〇九

傳真：(〇三) 四二〇—七八一三

淨空法師
影音網址

<http://www.budaedu.org.hk>

<http://www.amtb-aus.org>

<http://www.chinkung.org>

E-mail: amtbhk1@budaedu.org.hk

purelandcollege@iinet.net.au

承印者：世樺國際股份有限公司 (〇二) 二二四六九九二八

ISBN 978-986-83622-0-8

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第五十七冊目次

大乘論

一一六一金剛般若波羅蜜經論三卷……………隋達摩炭多譯……………一〇四三

一一六二金剛般若波羅蜜經論三卷……………元魏菩提留支譯……………四四〇

一一六三大智度論一百卷……………姚秦鳩摩羅什譯……………九一〇

卷第一、卷第五〇……………九一〇

摩訶般若波羅蜜經釋論序……………長安釋僧叡述……………九一〇

緣起論(卷一)……………九三〇

(一)釋序品(卷一、卷三四)……………一〇五〇

如是我聞一時(卷一)……………一〇五〇

總說如是我聞(卷二)……………一一四〇

婆伽婆(卷二)……………一二四〇

住王舍城(卷三)……………一三八〇

共摩訶比丘僧(卷三)……………一四七〇

別釋三眾議(卷三)……………一五九〇

菩薩(卷四)……………一六一〇

摩訶薩埵(卷五)……………一八五〇

菩薩功德(卷五)		一八九	二〇四
十 喻(卷六)		二〇五	二二二
佛世界願(卷七)		二二三	二三一
三 味(卷七)		二三一	二三六
放 光(卷七、八)		二三六	二五九
現 普 身(卷九)		二六〇	二六七
十方諸菩薩來(卷九、一〇)		二六七	三〇〇
舍利弗因緣(卷一一)		三〇一	三〇九
檀波羅蜜義(卷一一)		三〇九	三一二
讚檀波羅蜜義(卷一一)		三一二	三一四
檀 相 義(卷一一)		三一四	三二二
檀波羅蜜法施(卷一一、一二)		三二二	三四八
尸羅波羅蜜(卷一三)		三四九	三五二
戒 相 義(卷一三)		三五二	三六八
讚尸波羅蜜義(卷一三、一四)		三六八	三七八
羼提波羅蜜(卷一四、一五)		三七八	四〇〇
毗梨耶波羅蜜(卷一五、一六)		四〇〇	四二三
禪波羅蜜(卷一七)		四二四	四四九

般若波羅蜜(卷一八)		四五〇	四六九
三十七品(卷一九)		四七〇	四九三
三三昧四禪四無量心四無色定(卷二〇)		四九四	五一五
八背捨八勝處九次第定十一切處(卷二一)		五一六	五二一
九想義(卷二一)		五二一	五二六
八念(卷二一、二二)		五二六	五五四
十想(卷二三)		五五五	五六五
十一智(卷二三)		五六五	五七一
十力(卷二四)		五七二	五八九
四無畏四無礙智(卷二五)		五九〇	六〇六
十八不共法(卷二六)		六〇七	六三一
大慈大悲(卷二七)		六三二	六五三
六神通等(卷二八)		六五四	六六九
隨喜回向等(卷二九)		六七〇	六八八
善根供養(卷三〇)		六八九	七一二
十八空(卷三一)		七一三	七四三
四緣義(卷三二)		七四四	七六一
到彼岸等(卷三三)		七六二	七七七

信 持(卷三四)

七七八 七九四

(二) 釋奉鉢品(卷三五)

七九五 八〇八

(三) 釋習相應品(卷三五~三七)

八〇八 八五六

(四) 釋往生品(卷三八~四〇)

八五七 九〇八

(五) 釋歎度品(卷四〇)

九〇八 九一二

(六) 釋舌相品(卷四〇)

九一二 九一四

(七) 釋三假品(卷四一)

九一五 九二五

(八) 釋勸學品(卷四一)

九二五 九三四

(九) 釋集散品(卷四二~四三)

九三五 九五六

(十) 釋行相品(卷四三)

九五六 九六七

(十一) 釋幻學品(卷四四)

九六八 九七八

(十二) 釋句義品(卷四四)

九七八 九八六

(十三) 釋摩訶薩品(卷四五)

九八七 九九二

(十四) 釋斷見品(卷四五)

九九二 九九六

(十五) 釋富樓那品(卷四五)

九九六 一〇〇六

(十六) 釋乘乘品(卷四六)

一〇〇七 一〇〇九

(十七) 釋莊嚴品(卷四六)

一〇〇九 一〇一八

(十八) 釋摩訶衍品(卷四六~四七)

一〇一八 一〇四五

(十九) 釋四念處品 (卷四八)		一〇四六	一〇六五
(二十) 釋發趣品 (卷四九、五〇)		一〇六六	一〇九三
(二十一) 釋出到品 (卷五〇)		一〇九三	一一〇〇

金剛般若波羅蜜經論卷上

亦名金剛
能斷般若

受五

無著菩薩造

隋南天竺三藏法師達摩笈多譯

出生佛法無與等 顯了法界最第一

金剛難壞句義聚 一切聖人不能入

此小金剛波羅蜜 以如是名顯勢力

智者所說教及義 聞已轉爲我等說

歸命彼類及此輩 皆以正心而頂禮

我應精勤立彼義 解釋相續爲自他

論曰成立七種義句已。此般若波羅蜜即得

成立七義句者。一種性不斷。二發起行。相三

行所住處。四對治。五不失。六地。七立名。此等

七義於般若波羅蜜經中成立。故名義句。於

中前六義句。顯示菩薩所作究竟。第七義句。

顯示成立此法門故。應如是知。此般若波羅

蜜。爲佛種不斷。故流行於世。爲顯此當得佛
種不斷義。故上座須菩提。最初經云。白佛言。
希有世尊。如來應供。正徧知。善護念。諸菩薩
善付囑。諸菩薩如是等。

二發起行相者。如經云。何菩薩大乘中發阿
耨多羅三藐三菩提心如是等。

三行所住處者。謂彼發起行相所住處也。此
復有十八種應知。

一發心。經言。諸菩薩生如是心。所有一切衆
生如是等。二波羅蜜相應行。經言。不住於事
行。於布施如是等。三欲得色身。經言。須菩提
於意云何。可以相成就。見如來不如是等。四
欲得法身。經言。須菩提。白佛言。世尊。頗有衆
生於未來世如是等。五於修道得勝中無慢。
經言。須陀洹能作是念如是等。六不離佛出

時。經言於意云何。如來昔在然燈佛所。如是等。七。願淨佛土。經言須菩提。若菩薩作是言。我莊嚴佛國土。如是等。八。成熟衆生。經言須菩提。譬如有入身。如須彌山王。如是等。九。遠離隨順外論散亂。經言須菩提。於意云何。如恒河中所有沙數。如是等。十。色及衆生身。搏取中觀破相應行。經言須菩提。於意云何。三

千大千世界所有微塵。如是等。十一。供養給侍如來。經言須菩提。於意云何。可以三十一大人相見如來。不如是等。十二。遠離利養及疲乏熱惱。故不起精進及退失等。經言須菩提。若善男子。善女人。以恒河沙等身。如是等。十三。忍苦。經言如來說忍波羅蜜。如是等。十四。離寂靜味。經言須菩提。若善男子。善女人。能於此法門受持讀誦修行。如是等。十五。於

證道時。遠離喜動。經言世尊云。何菩薩發阿耨多羅三藐三菩提心。如是等。十六。求教授。經言於意云何。如來於然燈佛所有法得阿耨多羅三藐三菩提。如是等。十七。證道。經言譬如有入。其身妙大。如是等。十八。上求佛地。經言須菩提。若菩薩作是言。我莊嚴佛國土。是不名菩薩。如是等。

彼住處等。略爲八種。亦得滿足。一。攝住處。二。波羅蜜淨住處。三。欲住處。四。離障礙住處。五。淨心住處。六。究竟住處。七。廣大住處。八。甚深住處。於中攝住處者。謂發心。波羅蜜淨住處者。謂波羅蜜相應行。欲住處者。謂欲得色身法身。離障礙住處者。謂餘十二種。淨心住處者。謂證道。究竟住處者。謂上求佛地。廣大及甚深住處者。通一切住處於初住處中。若說

菩薩應生如是心。所有衆生如是等。此爲廣大。又復說言。若菩薩有衆生相如是等。此爲甚深。於第二住處中。若說菩薩不住於事。行於布施如是等。此爲甚深。若復說言。彼所有福聚不可思量如是等。此爲廣大。如是於餘住處中。廣大甚深等。隨所相應。應知已說住處四對治者。彼如是相應。行相行諸住處時。有二種對治。應知。一邪行。二共見正行。此中見者。謂分別也。於初住處中。若說菩薩應生如是心。所有衆生等。此是邪行對治。生如是心。是菩薩邪行。若復說言。若菩薩有衆生想等。此爲共見正行對治。此分別執菩薩亦應斷。謂我應滅度衆生故。於第二住處中。若說應行布施。此爲邪行對治。非於布施是菩薩邪行。若復說言。住於事等。此是共見正行對

治。此分別執菩薩亦應斷。謂應行布施。故五不失者。謂離二邊。云何二邊。謂增益邊。損減邊。若於如言辭法中。分別執有自性。是增益邊。若於法無我事中。而執爲無是損減邊。於中若說言。世尊。若福聚非聚。此遮增益邊。以無彼福聚。分別自性故。若復說言。是故如來說福聚。此遮損減邊。彼不如言辭有自性。而有可說事。以如來說福聚故。此得顯示如是。須菩提。佛法佛法者。如來說非佛法者。此遮增益邊。是名佛法者。此遮損減邊。於中如來說非佛法者。顯示不失義。是名佛法者。顯示相應義。何者是相應。若佛法如說有自性者。則如來不說佛法。以雖不說亦自知。故是故無有自性。爲世諦。故如來說名佛法。如是於一切處。顯示不共及相應義。應知。復次佛

法者。攝波羅蜜事及念處等。菩提分應知。菩薩離此二邊故。於彼對治不復更失。故名不失。

六地者。此地有三種。謂信行地。淨心地。如來地。於中前十六處顯示信行地。證道住處是淨心地。後上求佛地。

七立名。名金剛能斷者。此名有二義相應。知如說入正見行入邪見行故。金剛者細牢故。細者智因故。牢者不可壞故。能斷者般若波羅蜜中聞思修所斷。如金剛斷處而斷。故名金剛能斷。

又如畫金剛形。初後闊中則狹。如是般若波羅蜜中狹者。謂淨心地。初後闊者。謂信行地。如來地。此顯示不共義也。彼五種義句上上依止應知。彼等皆依止地故說。

經曰。如是我聞。一時婆伽婆在舍婆提城祇樹給孤獨園。與大比丘衆千二百五十人俱。爾時世尊食時著衣持鉢入舍婆提大城乞食於其城中。次第乞食已還至本處。飯食訖收衣鉢洗足已。如常敷坐結跏趺坐。端身而住。正念不動。爾時諸比丘來詣佛所。到已頂禮佛足。右遶三匝退坐一面。爾時慧命須菩提在大衆中。即從坐起。偏袒右肩。右膝著地。向佛合掌恭敬而立。白佛言。希有世尊。如來應供正徧知。善護念諸菩薩。善付囑諸菩薩。論曰。修多羅身相續。此義句今當說。世尊何故以寂靜者威儀而坐也。顯示唯寂靜者。於法能覺能說故。經言。善攝第一菩薩摩訶薩者。謂已熟菩薩於佛證正覺轉法輪時。以五種義中菩薩法而建立故。諸菩薩有七種大

故此大衆生名摩訶薩埵。何者七種大。一法大。二心大。三信解大。四淨心大。五資糧大。六時大。七果報大。如菩薩地持中說於諸菩薩所何者善攝。何者第一也。利樂相應爲善攝第一。有六種應知。一時二差別。三高。大四牢固。五普徧六異相。何者時。現見法及未來故。彼菩薩善攝中樂者是現見法。利者是未來世。何者差別。於世間三摩鉢帝及出世聖者。聲聞獨覺等善攝中差別故。何者高大。此善攝無有上故。何者牢固。謂畢竟故。何者普徧。自然於自他身善攝。何者異相。於未淨菩薩善攝中勝上故。經言第一付囑者。彼已得善攝菩薩等於佛般涅槃時。亦以彼五義如是建立故。何者第一付囑。有六種因緣。一入處。二法爾得。三轉教四不失。五悲六尊重。何者

入處。於善友所善付囑故。何者法爾彼已得善攝。菩薩於他所法爾善攝。何者轉教。汝等於餘菩薩應當善攝。是名轉教。此等三種。如其次第。即是不失。及悲尊重等應知。此善攝付囑二種。顯示種性不斷。

經曰。世尊云。何菩薩大乘中發阿耨多羅三藐三菩提心。應云何住。云何修行。云何降伏其心。

爾時佛告須菩提。善哉善哉。須菩提。如汝所說。如來善護念諸菩薩。善付囑諸菩薩。汝今諦聽。當爲汝說。如菩薩大乘中發阿耨多羅三藐三菩提心。應如是住。如是修行。如是降伏其心。須菩提。白佛言。世尊。如是願樂欲聞。論曰。此下第二發起行相。何故上座須菩提問也。有六因緣。一爲斷疑故。二爲起信解故。

三爲入甚深義故。四爲不退轉故。五爲生喜故。六爲正法久住故。亦即是般若波羅蜜令佛種不斷。云何以此令佛種不斷也。若有疑者。得斷故。有樂福德。而心未成熟。諸菩薩等。聞多福德於般若波羅蜜起信解故。已成熟心者。入甚深義故。已得不輕賤者。由貪受持修行有多功德。不復退轉故。已得順攝及淨心者。於法自入。及見生歡喜故。能令未來世大乘教久住故者。若略說疑者。令見故。樂福德及已成熟。諸菩薩等攝受故。已得不輕賤者。令精勤心故。已得淨心者。令歡喜故。經言應云。何住者。謂欲願故。應修行者。謂相應三摩鉢帝故。應降伏心者。謂折伏散亂故。於中欲者。正求也。願者。爲所求故。作心思念也。相應三摩鉢帝者。無分別三摩提也。折伏散亂

者。若彼三摩鉢帝心散制。令還住也。第一者顯示攝道。第二者顯示成就道。第三者顯示不失道。何故唯問發行菩薩乘爲三種菩提差別故。以善問故。於上座須菩提所應稱善哉。

經曰。佛告須菩提。諸菩薩生如是心。所有一切衆生。衆生所攝。若卵生。若胎生。若濕生。若化生。若有色。若無色。若有想。若無想。若非有想。非無想。所有衆生界。衆生所攝。我皆令入無餘涅槃而滅度之。如是滅度無量無邊衆生。實無衆生得滅度者。何以故。須菩提。若菩薩有衆生相。即非菩薩。何以故。非須菩提。若菩薩起衆生相。人相。壽者相。則不名菩薩。論曰。自下第三行所住處訖盡經。末有十八門具如前說。此中第一初明發心。經言所有

衆生。衆生所攝者。總相說也。卵生等者。差別說也。又受生依止境界所攝差別應知。卵生乃至化生者。受生別也。若有色若無色者。依止別也。若有想若無想若非有想非無想者。境界所攝別故。所有衆生界衆生所攝者。謂上種種想住衆生界。佛施設說也。我皆令入無餘涅槃者。何故願此不可得。義生所攝故。無過以皆是生故。如所說卵生等生並入願數故。彼卵生濕生無想及非有想非無想等則不能。云何能令一切衆生入涅槃也。有三因緣故。一難處生者得時故。二非難處生未成熟者成熟之故。三已成熟者解脫之故。何故說無餘涅槃界不直說涅槃。若如是便與世尊所說初禪等方便涅槃不別故。彼自以丈夫力故。無佛亦得。但非究竟。何故不說有

餘涅槃界。彼共果故。自以宿業。又值佛說而得果故。又非一向身苦有餘故。如是涅槃及有餘涅槃等。丈夫力果故。共果故。非究竟果故。非一向果故。是故說無餘。如是無量衆生入涅槃已者。顯示卵生等生一一無量故。無有衆生得涅槃者。此何義。如菩薩自得涅槃。無別衆生。何以故。若菩薩有衆生相。即非菩薩者。此何義。若菩薩於衆生所。他想轉非自體想。不名菩薩故。何以故。若菩薩起衆生想。人想。壽者想。則不名菩薩者。此何義。若以煩惱取衆主。命人想。轉彼則有我想。及於衆生中有衆生想。轉菩薩於彼不轉已。斷我見故。得自行行者謂五陰行平等相故。信解自他平等。彼菩薩非衆生命人取見者。此是其義。復次經言諸菩薩生如是心等者。顯示菩薩應如是

住中欲願也。若菩薩有衆生想即非菩薩者。顯示應如是修行中相應三摩鉢帝時也。若菩薩起衆生相人相壽者相則不名菩薩者。顯示應如是降伏心中攝散時也。如菩薩相應三摩鉢帝散時衆生想亦不轉如彼爾焰相住故是故無有衆生得涅槃者。此得成就。彼欲願者。攝諸住處爲最勝。彼相應行相行餘住處時。依止欲願決定得故。此欲願義不復重釋。

經曰。復次須菩提不住於事行於布施。無所住行於布施。不住色布施。不住聲香味觸法布施。須菩提菩薩應如是布施。不住於相想。何以故。若菩薩不住相布施。其福德聚不可思量。須菩提於汝意云何。東方虛空可思量不。須菩提言不也。世尊。佛言如是須菩提南

西北方四維上下虛空可思量不。須菩提言。不也。世尊。佛言如是如是。須菩提菩薩無住相布施。福德聚亦復如是。不可思量。佛復告須菩提菩薩。但應如是行於布施。

論曰。此下第二波羅蜜相應行。自此後餘住處中有五種。隨所相應而解釋應知。

一依義。二說相。三攝持。四安立。五顯現。住處對治爲依義。即彼住處爲說相。欲願爲攝持。住處第一義爲安立。相應三摩提及攝散心。爲顯現於波羅蜜淨住處中。經言菩薩不住於事行於布施。此爲依義。顯示對治住著故。經言應行施者。此爲說相。六波羅蜜。六攝一切檀那體性故。檀那有三種。一資生施者。謂檀那波羅蜜。二無畏施者。謂尸羅波羅蜜。羣提波羅蜜。三法施者。謂毗梨耶波羅蜜。禪那